


Sel Prestuhn Thomas S. Monson



Mwet Pahluh in Kol Kuht

Yac ekahsr somlah ah, nga muhta lun infuckihl se ke Salt Lake Tempuhl suc ma Prestuhnsi Se Met ac U luhn Mwet Sap Singucul Luo in tuhkweni ohsun ke pacl se in wik se. Nga ngetwack nuh ke pihsinkac ah suc nget nuh yurun Prestuhnsi Se Met, ac insac nga liye petsac luhn kais sie Prestuhn ke Alu uh.

Ke nga ngetwang liyactahl, nga liye kais sie muhtac-wacack kac! Mwet Pahluh Joseph Smith (1805–44) ne kac! Prestuhn Gordon B. Hinckley (1910–2008)—nga nuhnkuh kac lah, “Fuhkah luhpan srui luhk ke kolyuck luhn kais sie.”

Pa inge mwet wo suc tiacna ahlohloh, tiacna puhtatlac, ac tiacna tahfonglac. Pa inge mwet luhn God. Ke nga nuhnkuh ke mwet pahluh mihsenge nga etuh ac luhngse, nga esamwack moul lalos, ohiyac lalos, ac ke mwe luti moklweyuck lalos.

Prestuhn Heber J. Grant (1856–1945) pa Prestuhn se ke Alu uh ke nga isuslac ah. Ke nga nuhnkuh ke moul ac luti lal, nga luhlalfongi ke atac se Prestuhn Grant el kwacna ahkuhtweyac ah lah pa tuhtahflah—tuhtahflah ke ma ingacn suc ma wo ac fuhlwaht.

Prestuhn George Albert Smith (1870–1951) pa Prestuhn ke Alu uh ke pacl se nga kuhlwaconsap ekihn pisap ke ward se fin acn Salt Lake City. El liyacack lah oasr ulul-sucl se orek inmahsrton Leum ac lainyacl. “Fin kom tu ke lacyacn luhn Leum,” el luti, “kom fah oan ye kuh lal na ac wacngihn kena lom in oruh ma koluk.”¹

Nga tuh pahngonyuck in kuhlwaconsap ekihn sie mempucr ke U luhn Mwet Sap ke 1963 sel Prestuhn David O. McKay (1873–1970). El luti ke sulaclah luhn kais sie nuh ke ohiyac el moulkihn ke moul lal. “Mwet Kristin Pwacye se,” el fahk, “pa luhngse ke orekma.”²

Prestuhn Joseph Fielding Smith (1876–1972), sie mwet sihm pihsrac ke Alu uh, oasr sel in sie mwe luti in kolyuck yohk ke moul in lutlutkihn wosasuc uh lal. El tiac tui in riti ma suhmuhslah ac el oacna sie mwet nga etuh muh etuh ke luti ac mwe luti sacohk konweyuckyak lun sra puk inge.

Prestuhn Harold B. Lee (1899–1973) pa ekihn stek prestuhn luhk ke nga sie tuhlihk mukul fuhsr ah. Sie pohloh kahs pahiyacl pa “Tu ke yen muhtahl, ac tiac mukwilac.”³ El ahkweye Mwet Luhlalfongi in lohacng nuh ke, ac oruh top nuh ke, mahmah luhn Nguhn Muhtahl.

Nga luhlalfongi muh mwe luti in kolyuck nuh ke moul lal Prestuhn Spencer W. Kimball (1895–1985) ac pa kihksackuhnwaconsap. El fallacna, suwohs in kihksackihnyuck nuh sin Leum. El oacyacpac kihksackihnyucklac in moulkihn wosasuc.

Ke Prestuhn Ezra Taft Benson (1899–1994) el ekihn Prestuhn ke Alu uh, el tuh pahngonyuc in kuhlwaconsap ekihn Mwet in Kahsrh Ahkluo se lal ke Prestuhnsi Se Met. Luhngse pa mwe luti in kolyuck se lal ah, suc pa aholyacn pohloh kahs se ma pahiyacl, fwack sin Leum: “Ohiyac

fuhkah luhn mwet uh kowos enenuh in oacna? Pwacyena Nga fahk nuh suwos, finne in oacna Nga.”⁴

Prestuhn Howard W. Hunter (1907–95) pa mwet se suc kwacna suk ma wo emet ke mwet sahyac uh. El luhng kuhlwaeng; el mongfihsracs. Nga srui ma luhlahp in kuhlwacsap ekihn Mwet in Kahsruh Ahkluo se lal.

Prestuhn Gordon B. Hinckley el luti kuht in kampare oruh srihke kuhiyacs. El fahkwack kuhiyacn puhla yohk lal ke Mwet Lahngo ac misin Lal. El luti kuht ke luhngse. Kuhlwaengsap ekihn Mwet in Kahsruh Se Met lal oacna mwe kaksak ac mwe inewowo se nuh sihk.

Mwet Lahngo el suhpwacma mwet pahlul mweyen El luhngse kuht. Ke toeni luhlahp ke Ohktohp se inge, ac fah sulpac oasr pacl wowo luhn General Authorities ke Alu uh in akacsruhi ke kaks Lal. Kuht sun kunohkohn se inge ke ohiyac yohk srihpac ac mongfihsrwacs.

Fuhkah luhpan inewowo kuht puhlakihn tuh Alu fohlohkyak luhn Jisus Kraist oasr fin facluh ac tuh Alu uh muhsahyak fin yot in fwackyuck. Tuhtahflah luhn fwackyuck pa moul luhn wasasuc luhn Jisus Kraist.

Lwelah kuht in ahkolah in eis fwackyuck lasr sifacna ma tuhkuh yohk ke toeni luhlahp. Lelah insiyacs in sesseslah ke sulwaclah yohk lasr ke kuht sralwack pahosr in ahkkweye mwet pahlul moul ac mwet sap uh. Lwelah kuht in kahlmwelihk, tohuyak, ahkwoyeyuck, ac ahkfokoyeyuck ke kuht porongo sramsram lalos. Ac lwelah kuht in ahkolah in sifil eiskuhtyang sifacna nuh sin Leum Jisus Kraist—wasasuc Lal ac orekma Lal—ac in moulkihn ma ahksasucyeyucklac in liyacacng masap Lal ac tahfwelah ma luhngse Lal.

MWE KAHSRUH

1. *Mwe luti luhn Prestuhn ke Alu uh: George Albert Smith* (2011), 191.
2. *Mwe Luti luhn Prestuhn ke Alu uh: David O. McKay* (2003), 181.
3. Liye Doctrine and Covenants 87:8.
4. 3 Nephi 27:27.

LUTI KE PWENG SE INGE

Prestuhn Monson el akacsruhi mwe lutlut na kuh el lotwelah sin mwet pahlul met luhkwel. El oacyacpac ahkacsmakihnye kuht lah “Leum el suhpwacma mwet

pahlul mweyen El luhngse kuht.” In fahkwack nuh selos suc kom luti, kom fah ahkuhtweyac lah fuhkah tuh mwet pahlul ac mwet sap uh pa akucl in luhngse luhn God nuh sesr uh. Nuhnkuh in akacsruhi kaksruh ke sie sramsram met ke toeni luhlahp lal Prestuhn Monson ah. Suli elos ma kom luti an in ahkolah nuh ke toeni luhlahp pa in akacsruhi ke sramsram ma kuh in moklweilos ac kaksrwelos in puhla luhngse luhn Mwet Lahngo.

MWET FUHSR

Kuht Kuloh nuh Sum, O God, ke Mwet Pahlul

Mwet pahlul lasr, Prestuhn Thomas S. Monson, ahkkweye kom fuhkah? Meac kom ac fah esam yohk kac? Nuhnkuh in sihmihs ke journal nuhtum an kac! Prestuhn Monson ac moul lal—in yohk oacna ke el ahkuhtweyac ke sramsram se inge ke mwe ahkkweyeyuck luhn kais sie mwet pahlul e/ esam.

Kom ac sahp luhngse in sulwaclah sie pahiyom ke pohloh kaks lal ac suhmuhslah ke sie acn ma kom ac kwacna liye, pa nuh ke mwe nwenyuck puk se kuh sie mwe sihm lun infuckihl sum an. Kom kuh pac in oracalah sie petsac ke pohloh kaks inge ac oraclah in oan ke tacluhfon nuh tum an! Kais kuhtuh pacl kom liyacack pohloh kaks sacn, kom kuh in ngetlah liye yohk srihpaciyacn mwet pahlul moul ac esamack lah el oasr in luhngse ac kol kuht mihsenge.

Kom kuh in sruokyac on soko “Kuht Kuloh nuh Sum, O God, ke sie Mwet Pahlul” ke lds.org/go/9176.

TUHLIHK SRIHSRIHK

Mwet Pahlul Kol Kuht nuh yurin Kraist

Mwet Lahngo El use nuh sesr mwet pahlul mweyen El luhngse kuht. Fahsr tukun mwet pahlul kaksrwe kuht sulwaclah ma pwacye. Meac luo ma kom kuh in oruh in fahsr tukun mwet pahlul uh?



Luhlahlfongi Sucu Kahsruh

Ke Inse Sefanna

Pruhe in luthutkihn kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti uh ac ahkoelah fuhkah muhtwacn nuhtin God nuh ke mwe insewowo luhn moul ma pahtpaht uh?

Ac Leum El pahngon mwet lal Zion, mweyen elos inse sefanna ac nuhnaq sefanna, ac muhta in suwohswohs; ac wacngihn suhkah-sruhpa inmahsrlolos (liye Moses 7:18). Kuht ac kuh in ma sefanna fuhkah?

Elder M. Russell Ballard of the Quorum of the Twelve Apostles el fahk: “Ke insiyac luhn kahs English se *atonement* pa kahs *sie*. Fin mwet nuhkwea kahlwem ke ma se inge, ac fah wacngihn sie mwet suc kuht ac fah tiac elyah kac, tiac elyah ke matwac, mwet fuhkah, mokul kuh muhtwacn, alu, kuh ohiyac sahyac. Kuht fah kahfweacng in etahin Mwet Lahngo ac fah oruh in kuhlwang, tiac siena, ahkfuhlwact, kuh in tiac oruh upac nuh sin mwet sahyac.”¹

Prestuhn Henry B. Eyring, Mwet in Kahsruh Se Met ke Prestuhnsi Se Met, el luti: “Yen mwet uh oasr [na] Nguhn in elos uh, [elos] ac ahksrui lihkihn puhsra wowo. . . . Nguhn luhn God tiacna puhrawack lokoalok (liye 3 Nephi 11:29). . . . El kol kom nuh ke mihs lom sifacna

ac puhla lom in tuhkweni wi mwet sahyac.”²

Sramsramkihn ma upac ke sucu uh, Carole M. Stephens, suc kuh-lwacnsap ekihn Mwet in Kahsruh Se Met ke Rilif Sosaiti Prestuhnsi, fahk: “Nga tiacna moulkihn sie sahf, kweok ac sensen ma tuhkuh ke muhkwelacna uh, kuh ma kunac ma oasr ekihn ninac lolacp se uh. Nga soenna falyang nuh ke misac luhn sie tuhlihk, tiac kuh in orek tuhlihk, kuh akohnohki inmahsrlon mokul mokul kuh muhtwacn muhtwacn. Nga soenna srihke ngan oruh ohiyac koluk, mas, kuh pahlah in oruh ma se uh. Ohiyac inge tiac ma nga ahkoeyuc nuh kac.

“ . . . Tuhsruhk ke srihkasrak *luhk* sifacna . . . nga puhlakihn woiyacn tuhkweni wi Mwet Se ma kahlwem kac uh. . . . Ac in weacng, nga puhlakihn nohfohn mwe srihkasrak luhn moul ma nga fahk tari ke mwe liyeyuck luhn tuhlihk muhtwacn se, ninac se, ninac mahtuh se, tahmtah-el se, muhtwacn, ac kawuck uh.

“Pacl wowo lasr in ekihn tahmtahel liyacacng-olwelah nuhtin God tiac pa in lotwelah ke ma upac lasr muhkwenana; pa in tuhkweni ke pahkomuhta ac luhngse ke kuht tahpuhk kais rie mempucr ke sucu luhn God ke mwe keok lalos uh.”³

Ma Suhmuhsalah ac Koano in Weacng

John 17:20–23; Ephesus 4:15; Mosiah 18:21–22; 4 Nephi 1:15 reliefsociety.lds.org

MWE KAHSRUH

1. M. Russell Ballard, “The Atonement and the Value of One Soul,” *Liahona*, Mei 2004, 86.
2. Henry B. Eyring, “That We May Be One,” *Ensign*, Mei 1998, 67.
3. Carole M. Stephens, “Sucu uh Ma sin God,” *Liahona*, Mei 2015, 11–13.

Nuhkuh Ma Se Inge

Tuhkweni inmahsrlon sie sin sie kahsre kuht fuhkah in ma sefanna sin God?